

Mensingk

Von dem

Testament Christi

Mbb. 61.

Jf
4370

Мбб. 51.





**Antwort auff die
zwey elenden buchlein. D. Jo
han: Mensing pauler
munch/das die
Mess ein
testament vnd keyn
opffer sey.**

Eberhardus
widensehe

Johan
frizsthans

Dem narn ist die weyßheit
zu hoch sagt Salomō
prouerb. 24.

Allen vñ izlichen fromen Christen zu Magdeburgē wun-
nschen wir Johan Friszthans vnd Eberhart Widensehe
gottis gnad vnd frid.

Es yst ein newer helte auff die ban Komenn/exim pawler
Munch/der sich nennet Doctor Johā Mensing/der hat
zwey bucher geschrieben/von der Mess/das die nicht ein
testamēt sunder ein opfer sey/der gantzen teusschen natio
sonderlich euch zu Magdeburg zu gut/vnd so nun Doct
or Martinus yhn als einen lügner voracht/kumpt er an
vns/die weyl ehr dan vnser zweyer sonderlich in der bü-
cher ein mit namen gedencet/vñ vns fesslich auflegt/das
wir den spruch Malach.1. vnd Rom.12. von dem reinen
vnd heiligen opfer/sollen vnrecht aufgelegt haben/synd
wir vorursacht worden/solches zu vorantworten/nicht
vmb des hohen Titels willen/das keiner antwort werth ist/sonder
wollen auff's kurzte anzeigen/wie der nar so ein leß elend
buchschreibet/vnd schreiben hie also nicht allein/wyder
den Mensing/sonder auch wider den Cubito ym Thum
zu Magdeburg/wilcher als sychs wol ansehen lest/die-
sem die pfeyl gefeddert hat/den es synd in diesen büchern
seyne wort vñ argumēt eygentlich vorfast/die er auff der
Cantzel gepredigt/vnd seinen schulern in die feddern gele-
sen/do mit sie samptlich zu schanden werden/vñ ydermē-
niglich muge ermessen/wie grobe Esell/vnd vngelarte
tropffen sie doch seyn/die sich wider gott vnd sein leben-
digs wortt/so freuellich vñ thurstiglich thoren an f. lenē.

Auff's erste buch antwort

Im ersten buche fechten diese zwen helde mit den grillen
vnd Indischen emmeissen/wollen do kempfen/vnd sich
kecklich stellen/do niemāt wider sie ist/den yr grosser haß
vnd neyd den sie wider den man gottis.D.Martin Luter
vnd ander so das Euangelion predigen/tragen/hat sie so
gar vorblendet/das sie nicht seen künden/was der Luter
oder wyr andern schreiben oder meinen. Redet der Luter

von weissen geyßten/so reden sie von blawen entten. Sage
er die Mess sey nicht ein opfer sonder eyn Testament/So
beweren sie/der leyb vnd blutt Christi ym Sacrament sey
keyn Testament/gleich ob der leyb vñ das blut Christi die
Mess weer/vnd machen den ein gros feltgeschrey/als ha
ben sie gewonnen/yr soltet anzeygen yr elendē buchschrey
ber/wo der Luter sagt/das der Introitus/Kyrieleyson/
Sanctus/vnd das ganze geschmurrichen ewr Papistiff
chen Mess ein Testament sey/Item das der leyb/vñ das
blut Christi im Sacramēt ein testamēt sey. Sagt ers nicht
mit wem sechtet yr den/machet viel wort/beflickt das pa
pir vñ beweisset ewre grossen kunst/das yr anch künst bü
cher schreiben. Zie seyt nun keck vnd zeiget an/wo Luter
ye geschriebē habe/das fleisch vñ blut ein testament sey?
Do mit wir aber yr langes vnnutts geschweiz mit kurtzen
wortē vorantworten/vñ an tag bringen/wie gar vnvorst
endiglich/sie von den sachen redē/wollen wir yre meynung
(in viele weitlenstige wort gefast)in korte artickel begrei
ffen.

Zum ersten sagen sie/der Luter habe gesagt/das testamēt
Christi/sey ein vorheischung/darinnib müsse folgē/das al
le vorheischung gottis ein testament sein/bona scz cōsecuē
tia in baraco.hō est animal/ergo oē animal est homo. Itē
die vorheischung des hern im abētessen/do er vns sein leyb
vñ blut vorheischt (sagen sie) ist nicht ein testament/sunst
muß der heylge geyst (dweil er vns auch vorheischē) anch
ein testamēt sein. Sie nur wie grobe esel sie sein. Luter sagt
das testamēt ist ein vorheischung/diese sagen es kan nicht
sein/sonst muß der heylige geist anch ein testament sein/
seint doch diese zwen Messing vñ Cubito gröber den keyn
Korschüler im thum zu Magdeburg. Die vorheischung oder
zusagung ist ein āder ding den das vns zugesagt wirt/wie
alle baroren wissen. Aber dise hochgelarten mußten anch
bücher schreiben Teutsscher Nation zu gutt.

A ij

Dis argument

Dis argument hat zween grosse feyll/Zum ersten das sie sagen/der herr habe vns ym abentessen seyn leib vnd blut vorheyschen/wilchs erlogen ist/dan es wirt vns vorgebung der sünde vorheischen/mit der leib Christi noch sein blutt. Aber das ist woll war/sein leib vñ blut gybe er do hyn auff's kreutz/vnd setzt es eyn zu einē Sacrament/das ist zu einem zzeichen/do durch solche vorheischung vnd zusage krefftig vnd bestetigt wurde. ¶ Zum andern/das sie meynen/das alles was vorheissen wirt/eyn Testament sey/ist auch fallsch/die vorheischen guter/als vorgebung der sünd/der heylige geist/das ewige leben/synd keyn Testament/sonder das gutt oder das erbe/wylchs ym Testament vns vorheischen vñ zugesaget wirt/Das Testamēt aber ist der brieff/die schrift/vnd die wort/da mitt vñd daryn vns solche guter von Christo vorheischen vnd zugesagt werden/Wilchen brieff ehr mit seinem todt bekrefigt vnd vorsigelt hat/als do Christus sagt/Ich wil euch senden den heiligen geist/dis ist die vorheischung. Der hilge geyst aber ist das gutt odder erbe/das vns vorheischen wirt/Also ist das Sacrament des leybs vñd bluts Christi keyn Testament/wie dyse beide stocknarren lallen vnd klaffen/Vnd dem Luther (als solt ehre geschrieben oder gepredigt haben) felschlich auffleggen/den er spricht nicht das es sey ein Testament/sonder eyn sigill odder zzeichen/do mitt das Testament Christi bestedigt wirt. Darumb tritt er für yhr blynden leytter/vñd zeugt an/wo Luther yhe gesagt hab/das fleisch vnd blut Christi ein Testamēt sey/hie seyt nun keck ye buchschreiber teusscher nation/yhr must sunst zween lügener seyn.

Zum andern sagen sie/der leyb Christi wirt teglych vor vns gegeben/vnd sein blut teglich für vns vergossen/darvmb muß es ye eyn opffer sein. Dis zihen sie auch hoch an ym andern buch/grundten sich auff das wort/datur oder traditur vnd effunditur/es wirt vor euch gegeben/oder

Der es wirt vor euch vorgossen. Er sagt nicht (sprechenn
sie) es wirt vor euch gegeben/szo muß es teglich gegeben
vnd also geopffert werden/wylches geschiet in der Mess.
Antwort/Christus redt von seynem naturlichen tod wie
die wortt klerlich lauten/das ist mein blut/das vor euch
vnd vor viel vorgossen wirt. Derhalben ist's war/wen der
leyb Christi teglich vor vns gegeben vnd sein blut teglich
vor vns vorgossen wurde/szo wurde Christus teglich ge
opfert/Sie sollens aber beweisen/das er teglich vor vns
gegeben werde/do feylts in ewerm buch yr schreiber/die
wordt (der vor euch gegeben wirt) bringen das nicht mit
sich/Er hatt die wortt geredt im abentessen/do sein leidē
vnd sterben anfieng/do wart er gegeben vñ geopfert/das
ist ein mal gescheen/ein mal/einn mal/dys eynige opffer
gilt ewiglich/vnd mit diesem einigen opfer hat er in ewig
keyt volendet/die geheiligten/wie die Epistel zun hebre
ern mit klaren wortten austrugt hebre. 10. So nun das ey
nige opfer ewiglich gilt/semel pro semper/eynst vor alle/
vnd ist hie alles mit aufgericht/warumb opffern sie denn
noch teglich Christum in der Mess. Hat ehr mitt dem ey
nigen opfer in ewigkeyt volendet die geheyligten/das ist
die/so in yhn glauben/vonn den sunden gereiniget/was
dorffen sie dennoch eyns teglichen opffers? Sagt er nicht
do selbst hebre. 10. Wo aber solche vorgebung ist/do ist
nicht mehr opfer fur die sund? Ist nicht klar genug/wider
diese Christmorder/die mit yrem beschore hauffen teglich
Christum (so viel in yhn ist) creuzigen? O wie soltenn sie
sich auffbrusten/wen sie solchen spruch vor sich hetten als
wir fur vns haben.

Also sagen sie auch/am abentessen sey do keyn testament
gewesen/das Christus der testator/odder testament ma
cher noch nicht gestorben war/darumb sols noch keyn test
ament seyn/Antwort. Hie haben sie es freilich troffen. So
kan niemant weil ehr lebet eyn testament machen/vñ seyn

A ij erbe

erbe bescheiden /sonder mus vor sterben/vnd nach sein?
tod aller erst seyn testament machen/O yr tolln buchsch
reyber/wie seyt yr doch so blintt.

Zum dritten sagen sie am achten blatt. Mich wundert ser
das Luter auß einem menschen waen/den hochwirdigen
waren leychnam Christi/einem menslichen testament vor
gleyhent/vñ gottis testament/wie ein menslich testamēt
beschreiben will. hec ille. Antwortt/Thut das nicht auch
der heylge Paulus Gal. 3. do er spricht. Ich will auch lie-
ben brüder nach menschlicher weise reden/vorachtet mā
doch eyns menschen testament nicht. Seht yr nun yhr
esels köpff/das der heylge Paulus von gottis gesetz mens-
licher weiß redet/vnd nicht allein Luter/vnd das es Lu-
ter nicht allein/auß menschlichem waen/wie yr lallet/son-
der mit gotlicher heyliger schrift getan hatt/Redet nicht
auch die Epistel zu den Hebre. am. ix. menschlicher weys
vonn dem testament Christi/wolt yr bücher schreiben so
machts besser/oder bleybt do heym.

Zum vierden. So der man gottis Luter sagt auß der Epi-
stel zu den Heb. am. ix. Wo ein testament seyn sol/muß fol-
gen der tod/des der das testament gemacht hatt/Do
farn die armen blinden köpff eyn her vnd lügenstraffen
die Epistel/vnd den heylgen geyst/so sie vormeynen Lu-
ter zu straffen/vnd sagen am. x. bladt. Szo eyn testament
soll stracks eyn vorheysung seyn/bestetigt mit dem tod
des testament makers/muß das altt testament (weyl es
eyn testament vnd vorheysung ist) auch mit dē tod got-
tis bestetigt sein/das ist aber nicht/Dar vmb ist Luters
meynung falsch. .ic.

Antwort/Sehet nun yr edelen teuttschen vnd sachsen/so
che buchschreiber wollen euch lernen/die selber nicht wiss-
en was sie redē/Warumb lügenstraffen sie nicht die Epi-
stel zu den Hebre. am. ix. vñ den heiligen geyst do er spricht

was eyn testamēt sol kressstig seyn/mus folgen der todt des
testamēt makers/Do steet der heylge geyst/vnd redet die
wort klar auß/So steet eyn beschorner heyloser munch/
vnd sagt neyn am .x. blat/vnd sagt vrsach/sonst must got
auch sterben. Wem woltt yr gleuben/yr edelen teutschen
vñ sachsen/dem heylgē geyst/oder den beschornen munch
vnd dem Tomistisschen kopff Cubito: hat der heylig geist
die vrsach nicht gewust/do er die wort redet. solche lügen
meuler mus izundt das Euangelion dulden vnd leyden/
Ja wir müssen sie noch schier anbeten/die nicht Luter son
der den heylgen geyst lügenstraffen/Wolan das diese vr
sach auß der blinden vornunfft gezogen/auch nichts ist/
wollen wir beweisen/Sie selbst sagen im andern buch/am
viij. blat/das Christus so offtmal getodt ist/so offtmal die
veter geopfert haben/Ist das war/wo bleybt seyn vrsach
do er hie spricht im ersten buch/das das testament gottis
nicht bestetigt sey/dorch den todt/sonst musste got gestor
ben seyn/do er mit den Juden eyn bundt oder testament
machtet/Ist er geopffert vnd gestorben so offt die veter
geopffert haben/wie er sagt/wie bestet den die vrsach im
ersten buch/gott sey nicht gestorben/sehet yrs/yr buch
schreiber.

Da werden sie sagen in einer bedeutung/ist Christus ge
storben. Recht/das nemen wir an/Das kelber blut ist eyn
figur gewesen Christus blut/das der gott vnd mensch ster
ben musste/vnd also das testament bestetigen/das gott dē
Juden geben hat/fur seynem todt/wart das testament
nicht kressstig/denn niemant hatt vorgebung der sund/
dorch die opffer des alten Testaments/wie die Epistell
zu den Hebreern sagt am .x. Es ist vnmüglich/das durch
das blutt/der Kelber oder der Bocke weg genommen
magt werden die sund/vnd sie auch selber bekennen im
andern buch am .x. blad/wiewoll sie wider sich selbst
reden

reden am. viij. blat/do sie sprechē/das opffer der veter ym
glauben nhem die sünde weg/vnd erlang die gnad gottis
so es nicht das opffer/sonder der glaub alleyn thut Gal. iij
Durchs gesetz wirt niemant gerechtfertiget fur got/auff
das offenbar werde/das der gerecht seyns glaubens lebe/
vnd auff das wyr mit heller schrift handeln wider yhre
blinde vornunfft/das auch das alt testament hatt nicht
mogen bestetiget werden/den durch den todt Christi/So
hört yhr vorblendten buchschreiber/was Pau. sagt Gala.
iij. Das testament das von gott bestetigt ist/ist bestetiget
auff Christum/seyn das nicht klare wortt/so wissen wyr
nicht/So man an Christus todt gleubt so ist das testa-
ment bestetiget/auch denen die dran gleubt habē ehr dan
er gestorben ist/Sehet yrs nun/das Luther recht sagt/
auff der Epistell zu den hebreiam. ix. Das testament wirt
kressig durch den todt des/der es gemacht hatt/Dis zihē
wir an/nicht das es groß zur sache diene/sonder das yder
man vormercken muge/wie gar nichts diese elenden buch
schreiber in der schrift wissen.

Zum funfften sagen sie/man fyndt wol in der schrift das
der kylch ein testamēt sey/aber nicht das das blut Christi
eyu testament sey. Antwortt. Furwar eyn köstlich argu-
mēt/das niemant den diese zwen hochgelarten doctores
der heiligen schrift hett kunden fynden/hie mag ydermā
sehen/wie gelartt sie seyn/was were doch der kylch mehr
den eyn kylch/wen nicht das blut dar ynne were? Ach got
erbarme dich der armen narren.

Zum Sechsten sagen sie/wir wollen Luther wider sehen
noch hören/wen ehr gleich viel schrift fūrgybt/den Chri-
stus hōret den teuffel auch nicht do ehr ym die schrift fur
hielt/Antwortt/Christus antwortt vnd widerstundt dem
teuffell mit schrift nicht mit mensschen lere vnd langer
gewonheyt wie yhr thut/das yhr aber die schrift nicht hō-
rett ze ygt yhr an/das yhr seit die do von geschriben stee

[psal. 52

Die godlosen entpfremden sich von mütter leyb an/die lügen reder yren von mütter leyb an/yhr wüten ist gleych wie das wüten eyner schlangen/wie die taube otter die yhr ohr zustopfft/das sie nicht hore die stym des zeuberers/beschwerers der wol beschweren kan. Es wirt euch aber wider faren das do folget. Godt zubricht yhre zehne yn yhrem maull/vñ sie werden vorgehen wie wasser/das do hyn fleust.

Sie mit wollen wir das erste lügenbuch vorantwort haben/die weil sie so öffentlich liegen/das der Luter vñ wir gesagt haben/das fleysch vñd blut Christi sey ein testament/so sicht in dem buch keyn schrift wider den Luter vñ vns/von yhn eyngesurt/do mit sie beweren wollen/das das blut Christi eyn bestetigung sey des testaments/denn wir sagen auch eben also/das fleysch vñd blut Christi/nicht ein testament sonder ein bestetigung des testaments sey/Sehet nun yr edelen Sachsen/wider wenn schreiben doch die elendē buchschreiber/Die Mess sagen wyr sey eyn testament/Die mess aber heysen wir den brauch der wort Christi/do er spricht/Matt. am. 26. Mar. am. 14. Luc. 22. 1. Chorin. 11. Nemet esset/das ist mein leib/der fur euch geben wirt/vñd trincket darauff alle/das ist mein blut/des neuen testaments/welchs vorgossen wirt fur viele zu vorgebung der sund/das heissen wir die mess/vñ sonst nichts die weil es auch Paulus so gehalten hat bey den Chorin. am. 11. capittel.

Nun werden sie fragen wo es geschrieben stehet/das diß ein testament heys. Antwort/keyn ander ursach sollen diese elende buchschreyber von vns haben den diese. Weyll Christus in dieser Mess/mit vns einen bunt macht/der vorgebüg der sunde So ist gewis vñd öffentlich/auch bey Johan mensing ym ersten buch am. 12. blat/do er spricht dieser Mensing/Das fedus vñd testamentum (das ist ein bunt vñd ein testament) eyn ding ist in der schrift/so fern Mensing. Weyl

nu das bey Messing war ist/so schliessen wir fest dar auß
das die Mess ein testament sey/weyl Christus mit vns in
der Mess ein bundt gemacht hat/er woll vns die sünde
vorgeben. So sage er/bundt vnd testament sey ein dingt
so muß die Mess seyn ein testament. Sehet nun yr buch-
schreyber/das yr selber bekennet/das die Mess ein testa-
ment sey.

Zum andern/bekennen diese buchschreyber deudesscher
Nation am. 9. blat/vnd am. 10. am. öffentlich/das testa-
ment in der heyligen schrift/eyne vorheyschung genant
wirt/do sie sprechen/Darüb wir frey beschliessen/das ein
testament in der heyligen schrift/nicht eyne vorheysch-
unge alleyne/wie Luter fantasiret/sonder ein vrbundt
zwoyschem Godt vnd dem Menschlichen gemacht/
geheysen wirt/Die weyl dann diese elende buchschreyber
öffentlich bekennen/das testament auch eyne vorheysch-
ung in der heyligen schrift/geheysen wirt/schliessen wir
auß yren eygen Worten/das die Mess ein testament sey/
dan in der Mess/die Christus Math. 26. vnd Paulus. 1.
Chor. 11. gehalten haben/ist vns vorheyschen vnd zuge-
sagt vorgebung der sünden/wie die wort klar lauten/Trin-
ket esset. 2c. vnd trincket dar auß alle/das ist mein blut des
newen testaments/wilchs vergossen wirt für viele/zuvor-
gebung der sünden/also das das testamēt/wie wyr hie vñ
dem testament reden/vnd die Epistel zu den Hebreern
nichts anders ist dann eine vorheyschung vnd zusa-
gung vorgebung der sünden/wilche vorheyschung myt
dem todt Christi bestetigt ist.

So dan nun der geprauch der Mess Christi/nichts an-
ders ist den eyne vorheyschung/das er vns die sünde vor-
geben will/vñ diese betrubten buchschreyber lassen zu/das
in der heyligen schrift testament eyne vorheyschung sey/
wer wolte nicht schliessen auß yren eygen Worten/das die
Mess ein testament wer/Sehet yr edelen Teuttschen vñ
Sachsen:

Sachsen/solche buchschreyber wollen auch zu gut bücher
schreyben/die selber nicht wissen was sie schreyben/Ja in
eynem kleynen büchleyn wider sich selbs reden.

Das sie aber sagen/sie synden in der schrift/das testa
ment etwas meher bedeut dann eyne vorheyschung/seyn
wir wol zu friden/gleich als wen man sagt/Cubito vnd
Mensing sunde zwene grobe Esell/weyl sie nicht wissen
was sie reden/sunde wyr wol zu friden/wyr wollen dar
umb nicht vornehmen das Cubito eyn pfaff ym thum zu
Magdeburg/vnd Mensing eyn Pawler münch im Clo
ster sey/Es soll vns eben gnug daran seyn/das testament
sind vorheyschung auch eyn dingt sey/vnd niemens myt
dancf von yre an/vnd bitten wo sie fortan wollen bücher
schreiben/das die Mess sey der Introitus Kyrieleyson. &c
Das sie das wollen beweren mit der schrift/das Christus
also hab Mess gehalten/so bleyben die vnnutzen wort
nach die sie sagen am sechsten blat/Ich halt ye nicht das
Luter sagen werde das gottis lob in der Mess eyn testa
ment sey/odder die Ceremonien/das yst nicht Christus
sonder des Babsts Mess eyn geflickter betlers mantell/
wir rede von Christus vñ der Christen Mess/der Bapst
mach auß seyner Mess was er woll do fragen wir nichts
nach.

Zum beschlus. Wyr solten bällich auffs erste buch nichts
antworten/die weyl das furnemeste heubtstück dar ynne
erlogen ist/nemlich das Luter sagen sol/fleyssch vnd blut
Christi in der Mess/seyn eyn testament/den do hyn zihen
sich alle yre sprüch/das fleyssch vñnd blut nicht eyn testa
ment sey/das wir yn zu geben/do mit ist aber noch nicht
vorlegt/das die Mess/wie oben gemelt/nicht eyn testa
ment sey.

B ij Antwort

Antwort auff das ander buch.

Im andern buch wollen sie nun bewerren das
die Mess ein opffer sey/vñ faren do her

Zum Ersten/ ergreifen diese zwen helde den langen spies
vnd stechen gewlich vmb sich her/wenden fur die lange
gewonheyt/vñ alten gebrauch/das die mess ein opffer sey
gewesen/von der Apostelzeiten biss anher/vnd das nicht
vorsehenlich sey/das Christus seyne brawt die Christen-
heyt (wilcher er den heiligen geyst gegeben/wilcher sie al-
le warheyt lernet) so lange zeyt/in solchem grossen vor-
thumlichen yrthum gelassen habe/das sie in solcher abgot-
terey hette das gotte geopffert/das got nicht hette wollen
geopffert haden ic.

Antwort. In leyblichen vnd zeitlichen gutern vnd sachen
thut woll ethwas der lange gebrauch ruglycher wehr/vñ
besizung/Aber vnser glaubens vnd Christlychen thuns
mussen wir eynē grundt in der schrift habē/das wir nicht
auff dem sandt bawen/Matt. am. 7. Es ghilt hie nicht
Bapst/Concilia/Veter/Kyrche/loblich gewonheit/lang-
ger gebrauch/noch Engel noch Menssche/noch teuffel/
Got wil nicht das wir etwas gleroben oder thun in Chr-
istlychen sachen/wyr habens dan einen grund in der schri-
fft. Es heyst ad legē et testimonium. Esa. 8. Do weyst vns
Gott/nicht auff Bapst/Concilia/Kirchen/Veter/noch
auff dys noch auff das/sonder auff das gesetz vnd gezeug-
nus/vnd sagt dar neben/So sie nicht werden reden nach
diesem wort/so werden sie nicht das morgenlicht vbirko-
men/das ist so viel gesagt/Es ist alles finsternus vnd yr-
thum/was mensschen vornunfft ertichten/vnd ersienden
kan/in gotlichen sachen ohn gottis wortt/Dar vmb sagt
Paulus. 1. Chor. 1. Das die welt/in yrer weyßheit Got inn
seyner

seiner weysheit nicht erkennē kan/vñ Got macht die weis-
heyt dieser welt zur thorheyt/Er bringe vmb die weisheyt
der weysen/vnd vorwirfft den vorstant der vorstendigen
Esa.am.29. Item Got gepeut vns/das wir nach seynen
rechten vnd lere/nicht nach vnserm gutduncken/thun sol-
len/Deut.am.12. Auch seynem wort noch ab noch zuthun.
Deut.4. vnd.12. So heyst vnns auch der Vater nicht den
Babst/Kyrchen/veter oder Concilia:sonder seynen lieben
Son horen Matt.am.17.den hat er vns zum lerer vñ mei-
ster geazt/wie er auch sagt. Joh.am.15. Alles was ich vñ
meynem vater gehört hab/das hab ich euch offinbart.2c.
Nun was vns dieser vnser meyster gelernet hatt/das ne-
men wir an/als recht/was aber vonn ym nicht gelernet
oder das wider seine lere ist/nemē wir nicht an/wen auch
ein Engel vom hymel keme. Gal.1. Achten auch nicht wie
lang es gewert habe/denn tausent Jar vnrecht/wartt nie
recht. Sonderlich so der selbige vnser meyster vns so fleiss-
iglychen vormanet vnd gewarnet hatt/vor den reyssendē
wollffen/die da in schaffs kleydern komen/Matt.am.7.
fur den dieben vñ mordern/die nicht durch die thür in dē
schaffstal gehen/Jo.am.10. fur den mit den sonderlychen
kleydern/die gerne oben an sitzen am tyssche vñnd in den
schulen/vnd wollen Rabi(das ist magistri nostri)gnant
seyn/wilche schwere vñ vntregliche burden den menssche
auffleggen/die sie nicht mit eynem synger regen wollenn/
Mat.am.23. fur den falschen Christen vnd falschen pro-
pheten/die do komen vnter dem namen Christi/vnd viel
wunder vñ zeichen thun/das vorsehet werden in den yr-
thum(so es muglich were)auch die aufferwelten.2c. Mat.
24. Luc.am.21. Der halben gilt yr langer spies nicht/denn
wir haben ein lenger spies den sie/yr spies reycket von der
Apostel zeit her(wie sie sagen)wie wol es erlogen ist/vñ
ser spies ist noch viel lenger/vnd reycket von ewigkeit her
Den Christus sagt Joh.15. Alles was ich von meinem va-

B iij ter ge

ter gehört habe ich euch kundt than. Christus kan nichts von ym selber thun/ Johan. am. 5. was solten den Pfaffen/ Mönch/ Vetter vnd Concilia thun.

Zum andern sagen sie/ Es seyn von ambegynn eusserlyche opffer gewesen/ vñ ist nye keyn menssch so geystlich gewesen/ das er die eusserlichen opffer/ vorachtet heit dan dieser Luter/ wollē darauß schliessen/ wie sie dē auch nachmals thun/ das noch leybliche opffer müssen auff erden bleyben byß auff den Jungsten tag/ vñ müsse dierhalten Christus teglich ym Sacrament leylich geopffert werden. ic.

Antwort. Alle opffer vñ Ceremonien des alten testaments synd schatten von dem das zukunfftig war/ aber der corper selbst ist in Christo. Col. 2. Item es ist alles ihenen widerfaren in eyner figur oder zum vordilde. 1. Chori. 10. So bekennen diese schreyber auch selber das ihene opffer haben/ das opffer Christi bedent. So nun ihene opffer Christus opffer bedeuten/ vnd seyn eyn figur vnd schatten Christi/ vnd Christus nun eyn mal geopffert ist/ so mus ye ihenes alles auffhören/ den wen der tag kumpt/ so wey chet die nacht/ kumpt das liecht/ so weichet der schatten/ So geben nun diese zween elenden buchschreiber an den tag/ das sie die leute sind/ do Christus von sagt Johan. 3. Das ist das gericht/ das das liecht in die welt kommen ist vnd die menschen belieben die finsternisse mher dan das liecht/ den yhre werck waren bosse ic. die Lulen vñ Nache raben haben die nacht lieber/ wen den tag/ also auch Eubito vnd Mensyng/ Wyr müssen nicht alle zeyt kynder seyn/ sonder wachssen vñ vñ volkomen merner werden. Ephe. 4. Do wir kynder waren/ sagt Pau. Gal. 4. waren wir gefangen vnter den eusserlichen satzungē/ so aber nun Christus vns vom gesetz erlöset hat/ so synde wir nun vñ den eusserlichen satzungen frey. ic. Der halben vorachtet der Luter vñ alle frome Christen mit ym alle eusserliche

che

ehe opffer/vnnd lassen vns an dem eynigen opffer Christi bemügen. Hebre. 10. Diesen opffer wir nicht in her dem Vater/den ehr ist schon bey dem Vater als vnser vrsprach/vnnd vrsöhnung/vnser vnd der ganzen welt sünde. 1. Johan. 2. Das yhn aber die Christmörder Cubito vñ Mensyng/sampt allen Papisten vnd abtrunnigen Christen/noch teglich schlachten vnd creuzigen/mache yhr vnglawbe/das sie nicht glawben/das sie Christus myt seinem eynigen voltkomen opffer erlöset/vnd mit dem Vater versönet habe/vnd muß also noch teglich yhn Christus geopffert werden/in der Pfaffen Mess/so doch heb. 10. geschrieben ist/Wyr seyn geheyliget durch das opffer des leybes Jesu Christi/welches opffer ewig gyle fur dem Vater.

Zum dritten/geben sie dem Luter vnnd andern Euangelysschen predigern schult/das sie geyle wort füren auff der Cangel/vnnd das sie lieber wolten Jungtfrawenschenden/den Mess halten.

Antwort/Lieben buchschreyber/yr habts von vnser Keynem gehört/wie dorfft yrs den schreyben/Sind eglich buben die auff der Cangel solche umbescheydene wort reden/wider die schreybet bücher/vnd last die heylsame/heylige lere/vnd yre prediger ungelestert/Was klage Paulus yn seinen Epistelen anders/den das er hat müssen duldē falsche Christen vnd brüder/die dem Euangelio schande anrichten/nicht das wyr do mit groß vnser gerücht vnnd person vorsechten wollen/den wir begern von euch Keyn lob/die yr den heyligen geyst vñ Gottis wort lügenstraffe sonder das yhr sehen müget/das wir nach ewrem liegen vnd lestern nichts fragen was die person angehet/wir sechten nicht wer from odder böse sey/sonder/wer recht odder vnrecht lere/die lere ist schedlych den Christen/nicht das leben der prediger.

Zum vierden

Zum vierden puchen sie fast seher / Luter sol beweissen /
wo es got verbotten habe / das man den leyb vñ das blut
Christi nicht opffern soll in der Mess / Her gott der buch
schreyber / Ist es nicht genug beweyset / Deut. am. 4. vñ. 12.
das man zu gottis wort nichts thun / noch da von nemē
soll / sagt doch Salomon prouerb. 30. wer zu gottis wort
etwas thut / der sey eyn lügener / vñ Paul. Gal. 1. verflucht
sey der anders lernet / den wir euch gelernt vnd gepredigt
haben / Hört yrs hie yr betrubten elenden buchschreiber /
Das yr zu gottis wort nichts thun solt / Tun beweyset das
got yhe gepotten habe / das yr in der Mess solle opfferen
Christum / beweyset yr das so habt yr gewonnen / künde yrs
aber nicht beweisen / sonder yr Pfaffen vñ Munch habts
selbs erfunden / ausserhalb gottis wort / szo seyt yr lügener
vnd verflucht von Paulo Gal. 1. vñ hats euch got stracks
vorpotten in obgemelten sprüchen / das yr zu seinem wort
nichts thun solt.

Das sie aber sagen / das wortleyn thun heysse so viel als
opffern zu zeyten in der schrift / dar vmb sols hie auch al
szo vorstanden werden / do Christus sagt / das thut in mey
nem gedechtnis / ist eyn Eubitische / erdichte / falsche gloss
wen man also solt mit der schrift handeln / szo solten vns
diese buchschreiber leychtlich ein vrthū eynfurn zu Mag
deburg das Christus nicht warhafftig ym Sacramēt we
re / auff diese weys / thun heyst so viel zu zeyten in der schri
fft als opffern / darumb sols vberall szo viell heissen / wen
das grundich argument gelten solt / szo must das auch gel
ten / das est / wirt zu zeyten in der schrift genommen pro
significat / derhalben muss vberall so genommen werden /
dar auff den folgen wurde / das in den wortte / hoc est cor
pus meum / das wortleyn est / auch muste genommen wer
den pro significat / szo folget von stund an / das ym Sacra
ment nicht warhafftig Christus wer / sonder allein signifi
cative / das ist / brot vñ weyn bedent alleyn den leib Chri
sti / das

sti/das offentlych wider Got vnd seyn heyliges wort wer
den Christus ist warhafftig ym sacrament.

Darumb yhr edelen deudesschen vnd lieben hern vnn
brüder/hüt euch vor diesem argument dieser clenden buch
schreyber/als fur der ergisten gyfft/do sie sprechen/thun
heyst so viel in der schrift zu zeytten als opffern/darumb
soll es hie auch so viel heysen/do Christus spricht/das
thut in meynem gedechtniß/den wo wir diese gloß an ne
men vnd der gleichen/so wurd der teuffel zu letzt zu wege
bringen/das wir keyn rechten vorstandt behielten in der
schrift.Christus redet hie klar gnug/wen er sagt/Nemet
esset/dar nach/solches thut in meynem gedechtnus/wen
er sagte Nemet opffer/so wer es war/das wir opffern
müßten/¶ Nun spriecht er mit klaren wortten Nemet esset/
das essen vnn das trincken thut in meynem gedechtniß/
das vorstehet yhe eyn Pawr wol/yr losen buchschreiber.

Sorder/wollen sie beweyßen/das die Mess eyn opffer
sey/vnd sagen/Der Her hat das brot in seyne hende geno
men vnd dancksagt/weyl den dancksagen in der schrift
so viel ist/als ein gepethe/vnn gepeth eyn opffer/folgt
das Paulus.ii.Chor.ii.anzeigt/das der her geopffert habe
so er spricht/er habe dancksagt/Solche sprüch furn die
Eselsköpff/zu beweren das die Mess eyn opffer sey/vnd
klicken vnzeliche sprüch heraussen an den text/do mit mā
ia sol meynen/sie haben schrift/so sich doch keyner recht
reymet zur sach/dē wen sie sollen beweyßen/das die Mes
eyn opffer sey/so farn sie zu/schelten den Luter vnd bewe
ren/das Genz keyn Endten seyn.

Aber hort yr buchschreyber/die yr so meysterlich kün
det bücher schreyben/wo habt yhr diese Consequenz ge
lernt?ym esels stall?dancksagung ist eyn gepeth/gepeth
ist eyn opffer/Christus hat dancksaget/darumb hat ehr
brott vnd weyn geopffert/ist das ewer logica/do yhr so
viel von rümet/wie reymet sich doch das?Er hat danck

C i sagt

Saget. i. Chor. ii. Darumb hat er seyn leyb vñ blut geopffert/
Ausz in Esels stall mit ewr logiken/Dis folget wol/Chri-
stus hat dancksage/dancksagen ist ein gepeth/ gepeth ist
ein opffer/darumb hat er geopffert/Was hat er aber ge-
opffert? Hny/pfeyfft auff yr edlen buchschreiber/Hat er
seyn leyb vnd blut geopffert? Neyn yr buchschreiber yhr
habt gefelet/er opffert die dancksagung/welche ein gepet
vnd opffer ist/die hat er geopffert/do mit ist aber nicht
bewert/das brot vnd weyn/welche Christus in seyne hen-
de nam/eyn dancksagung seyn/so er mit dem munde vnd
herzen sprach/das merck eyndt woll.

Ach des elenden buchschreybens/vnns vordreust/das
wir do mit sollen die zeit zu bringen/Ist doch bey diesen
Narren/bethen/brot vnd weyn/essen vnd trincken alles
eyn dinck/mocht sich doch einer solcher buchschreiber wol
franc lachen. Nun wollen wir noch eynd redlichs stück-
leyen erzelen/was diß fur leut seyn/die Deudesscher Nati-
on wollen bücher schreyben/do bey ma vormercken mag
yre Christliche hertzen.

Sie straffen Luter am. 5. blat/des andern buchs/das
er sagt/wir sollen vns an dem exempel Christi vñnd der
Apostel benügen lassen/vnd nicht opffern den leyb vñnd
das blut Christi/weyl es Christus vnd die Apostel nicht
gethan haben/do sagen sie/Es gylt nicht lieber Luter/
du hast vns selbs anders gelernt ym buch von den hym-
milsschen propheten am. 36. blat do du also sprichst/Dar-
vmb lassen wir keyn exempel zu/auch von Christo selbs/
ich schweige von andern heyligen/do mit wollen sie/das
Luter wider sich selbs soll geschrieben haben/Aber wo-
fur soll man die leut halten/die eynem seyne wort vñnd
brieff fellschen/seyn es nicht buben/so weys ich nicht
was buben seyn/Also sagt Luter am. 36. blat/Darumb la-
ssen wir keyn exempel zu/auch von Christo selbs/schwey-
ge von andern heiligen (das nun folget lassen diese zwene
buben

aussen des sey dan Gottis wort da bey/das vns deute wel-
chem wir folgen/edder nicht folgen sollen/wir wollen
am exempel m. ht gnug haben/wir wollen schrift haben
welche vns gewiß mache/wilches exempel Christi odder
nicht Christi sey 2c. Dis lassen sie alles aussen/auff das sie
den man Gottis dem volck hessyge machen/mit lügen-
wortten/Also betrogen sie das arm eynfeltig volck/vnd
fürn sie das Got erbarm in ewigkheit/vmb yres geytzes
willen/den zu erhalten/Also theten auch die Juden Chri-
sto/do sie sprachen/er hat gesagt/er wolte denn tempell
Gottis zu brechen Math. am. 26. vnd vorpöte den 3cins
dem keyser/Luce am. 23./welchs alles erlogen war/eben
also thun diese lügenmuler auch/Es ist geschrieben pro-
uerb. am. 19. Eyn falscher zeuge wirt nicht vngestraft
bleyben/da wart euch für yr lügener.

Darnach hebt sich aller erst der kelber[?] tanz/vnd das
buchschreyben an/das die Mess eyn opffer sey/do sie das
bezeugen mit dreyen zeugen/Mit dem opffer der Veter/
Melchisedech/vnd mit dem propheten Malachia

Zum ersten mit dem opffer der Veter/machen sie eyn
solch argument/Die Veter des Alten testaments haben
geopffert/opffer die Got sindt gefellig gewesen/den ehr
sie das geheissen hat/vnd haben das opffer Christi be-
deut/den Christus ist getödt vnd seyn blut ist vergossen
von anbegyn der welt/in den opffern der Veter/so ehr
dan in den opffern der Veter ist geopffert/sagen sie/so
muß es nicht vnbyllich sein das ehr geopffert werde bis
zum ende der welt/vnd ist dis yre meynung/Die Veter
haben Ochsen/Kelber/vnd Schaff geopffert/vnd in
der gestalt der selbygen/haben sie Christū geopffert/Ha-
bē sie Christū für der gepurt geopffert/vñ das ist got wol
gefellig gewest/warüb solt mā Christū nicht auch opffern
nach der gepurt/hats Got wolgefallen/so gefelts Got ye-
zunt auch wol das mā Christū teglich opffer/vñ brot vñ
weyn.

C ij Zie

Sie siet man/wie gar tewere buchschreyber das seyn/
Wo mit wollen sie doch beweysen/das die Veter haben
Christum geopffert/wie solten sie Christum opffern der
noch nicht geboren ward? odder ist er in den Ochssen vñ
Kelbern gewesen/die sie geopffert haben/das sie yhn in
der gestalt der Ochssen vnd Kelber haben geopffert? Ja
sagen sie die Ochssen vñ Kelber haben Christum be-
deut/das sagen wir auch/warumb sagen sie den das sie
Christum geopffert haben/so sie doch nur Ochssen Awe
vnd Kelber.2c.geopffert haben/Haben sie nun Christum
nicht geopffert/wie folget dan/man soll iezundt Christi
opffern/wie er do geopffert ist/Neyn lieben Junckern/
Figur ist ein ander dingt/den figuratum/das die figur be-
deut/wie euch Luter vñberwindlich lernet ym Sermon
von den zehen aussetzigen/mit klarer heller schrift.

Soll man iezundt opffern/wie man do geopffert hat/
so muss man wider Awe vnd Kelber opffern/nicht Chri-
stum/odder muss Brot vñ Weyn opffern/das nicht der
Leyb Christi/sonder nur eyn figur vnd zeychen des Ley-
bes vnd Bluts sey/so lernen den diese buchschreyber/das
das Brot vnd der Weyn/nicht der Leyb Christi sey/son-
der bedeut nur den Leyb vñ Blut Christi/wider den
klaren text Math.26.Das ist meyn leyb.:c.Das sie aber sa-
hen/man soll iezundt Christum/so oft vnd viel opffern
in der Mess/so oft vnd viel/die Veter/vnd Christus das
Osterlamp geopffert habē/Ist auß eygen kopff der zwey
er buchschreyber erticht vnd erlogen/trutz yhn allen/das
sie des eyn eynigen spruch der schrift weyssen/Hoc facio
te. thut es nicht mit andern fragen/wie oben angezeygt.

Dar zu/so ist es viel eyn ander dingt/das Brot vñ
der Weyn in der Mess/vñ der Alten opffer. Ihenes sindt
Ochssen vnd Kelber gewesen/Diß Brot vnd Weyn/ist der
Leyb vnd Blut Christi.Darumb folget nicht ihene haben
Awe vnd Kelber geopffert/darumb sollen wir Brot vñ
Weyn

Weyn opffern/wir geben zu/der Veter opffer mit yrer be-
deutung/Aber das geben wir nicht zu/das wir so oft vñ
viel sollen Christum in der Mess opffern/als die Veter
Ochssen vñ Kelber geopffert haben.Christus ist ein mael
für vns geopffert/Heb.9.welches eyrige opffer/alle op-
ffer der Veter bedeut haben/Coll.2. mit dem opffer des
lobes/nicht das Sacrament/wie Doctor Martinus be-
weyset in der Postillen der dreyer heyligen weyssen.

Das sie sich aber mit dem spruch Apocalip.13. behelffen
wollen von dem Lamb/das getödt ist von anbegyn der
welt/ist ein vnvorstandt der groben buchschreyber/die
nicht wissen wie das Lamb vom anfangt getödt ist/Die
Veter haben geleybet an das vnschuldige Lamb Christ
um/vñ anbegyn der welt Heb.13.1.Chor.10.das es wurd
wegnehmen die sünde der welt Joh.1.vnd das durch seine
todt vnd opffer/der glawb hat sie frum vnd gerecht ge-
macht/vnd ist yhn der zukunfftige todt zu gerechnet/als
wer er bereyt geschehen/Heb.13.Christus giestern vñ heut
vnd er auch in ewigkelt/Also ist das Lamb getödt von
anfangt/das der todt bereyt do gegholten/vnd der glaw-
bygen Veter sünde weg genommen hat.

Das sie aber Ochssen vnd Kelber geopffert haben/hat
zu yrer rechtfertigüng nichts gethan/Heb.10.Gal.3.Ro.4.
Ist Abraham frum worden/durch die werck des gesezes
so hat er rhum/aber nicht bey Got/Was haben sie dann
mit yrem opffer aufgericht: odder warumb haben sie ge-
opffert.

Antwort/do mit haben sie yren glawben anzeygt/den
sie hatten auff den zukunfftigen Christum. Also sagt die
Epistel zu den Hebr.am.11.diese alle sind gestorben/nach
dem glawben/vnd haben die vorheyschung nicht entpfā-
gen/sonder sie von ferne gesehen/vnd sich darauff vortrō-
stet vnd daran gehangen/Also opffert Abell Got eyn
grosser opffer/den Cayn seyn brüder durch den glawben/

Gene. 4. Heb. 11. durch welchen er von Gotte/ gezeugniß
virkommen hat/das er gerecht sey.

Also schliessen wir nun auff's erste teyl/das man auß
der Veter opffer in keynen wege bewerren kan/folgt auch
nicht darauß/das wir Christum in der Mess teglich op-
ffern solien ym brot vnd weyn/so oft yhu die Veter geyst
lich (wie sie sagen) geopffert haben/sie werden auch das/
alle Papisten auff eynen hauffen geschmeltz/nymmer mer
beweyssen mit eynem buchstaben der heyligen schriefft.

¶ Zum andern/nemen sie vnd füren den spruch psal. 109.
Du bist eyn priester in ewigkelt nach der ordnung Mel-
chisedech/Dieser Melchisedech hat nicht Kelber vñ scha-
ffe/sonder Brot vnd Weyn geopffert/darauß folget das
Christus auch Brot vnd Weyn geopffert habe (sprechen
sie) Hat es nun Christus gethan/so sollen wirs auch thun
Brot vnd Weyn opffern/Se da Luter schreyb meher bü-
cher/wen du glewbest/das die heylliche schriefft vom heyli-
gen Geyst wer/wurdestu (sagē sie) nicht so schympflich re-
den von der schriefft.

Anewort/das erste das Christus eyn Priester sey nach
der ordnung Melchisedech/haben wir woll gewußt/ehe
diese buchschreyber/bücher schryben/Das sie aber sagen/
Melchisedech habe Brot vnd Weyn geopffert/liegen sie
als buben/vnd die ergisten schriefft fellscher/sie werdens
auch nymmer mehr beweyssen/Der spruch Gene. 14. laut
also/Melchisedech der König zu Salem trug Brot
vnd Weyn erfür. 20. nicht das ers geopffert hette/sondern
das ehr die geste speyset vnd ehret/da durch Christus der
Priester nach der ordnung Melchisedech bedeut ist/der
die welt mit dem Euangelio speyset/die weil der mensch
nicht alleyn ym Brot/sonder ym eyn iglychen wort Got-
tis lebet Deuter. 8. Math. 4.

Also hören wir hie das Melchisedech Abraham brot
vnd weyn erfür trug/wie do der geprauch war/das man
Deit

den kriegsleuten/wo sie fur vber zohen mit speys vñ träck
entgegen gingt/wie dan Got die Moabiter vnd Amoni-
ter vorstieß/das sie den kñdern von Israhel/do sie auß
Egypten zohen/nicht mit brot vnd wasser entgegen gien-
gen. Deutro. 23. vnd Gideon die elisten zu Succoth zer-
schlugt/das sie seynem volck nicht speys vnd tranck gebē
wolten/Jud. 8.

Diß muß nun alles geopffert heyszen diesen trewlosen
schriefftmördern/was nur in der schriefft von Brot vnd
Weyn sagt/Trollen eyn her/Dauid als das priester Brot
vnd war dennoch auch geopffert/Magk es dermasszen
auch Abraham gegessen haben/es ist aber dester weni-
ger nicht geopffert brot gewesen/nein yhr muß der sach
gewiß seyn/schriefft schriefft yr buchschreyber/Was soll
man doch mit solchen faulen fragen vmbgehen/wir het-
ten vns nicht vnterstanden/diesen heylosen büben zu ant-
worten/die also liegen vnd Got seyn wort fellschen/wan
vns nicht erbarmet das arm eynfeltige volck/das sie mit
yren schreyben fur wirren wollen.

Ihr eygen vrteyl reymet sich hie her woll/strafft man
die zu leyb vnd gut die Fursten münze fellschen/wie viell
mehr solt man diese trewlosa büben straffen die Got dē
aller hochsten Fursten vñ König/sein heyliges wort fel-
schen/darzu leyb vñ seel ewig vordüren. Aber sie seyn solch
er lynder straff nicht wert/yhn ist ein ander badt bereyt in
dem fewrigem teich/darynnen sollen baden alle falsche
prophetē vñ ketzter/wie sie seyn/mit dē teuffel ewig. apo. 19

Wolan yr buchschreiber/hat Melchisedech brot vnd
wein Abrahā vñ seynē volck fur tragen/wie offentlich der
text zwingt Gen. 14. wie reünet sich dē ewr figur auff das
sacrament/Melchisedech trug Brot vnd Weyn fur/ey-
nem mensschen/so opffert yhr Got Christum teglich/
der thet es eyn mal/yhr thut es alle tage/habt yhr doch
yn dē erstē buch vō opffer der Veter vñ Christus getriebē

Das

Das gleych/wie die Veter vnd Christus/viel vnd offt ge-
opffert haben das Osterlamb/so sollen wir auch Christ
um nicht eyn mal/sonder vielmal opffern/also klingen
ewer wort am.8.blat vnd am.10. Warumb treybt yhr hie
auch nicht auff die figur/Hatts Melchisedech eynn mael
gethan/eynem mensschen/so sollen wirs auch eyn mal
thun/vnd das dem mensschen/Wolt yr mit figur vmb-
gehen/so handelt recht/das yr wolt die figur deuten wie
yhr wolt/des gestehen wir euch nicht.

Vnd wen es schon war wer/das man Christu viel mal
opffern solte/so must yrs nicht thun/sondern Christus/
weyl der text nicht von euch/sonder vom Christo sagt/
Du bist ein priester nach der ordenig Melchisedech/Sol
nun Christus Melchisedech gleych seyn/Warumb macht
yr yhn den vngleich/das Christus soll opffern/Melchise-
dech fur tragen/Es ist gantz vngleych opffern vnd fur-
tragen/es soll aber also gehen den figur deutern/die nicht
wissen was figur vnd figuratum ist/Melchisedech trug
Abraham seynem volck Brot vnd Weyn fur als eyn Ko-
nig/vn gebenedyet yn als ein Priester/das sagt der text
sonst nicht anders/Diese buchschreyber solten die Epistel
gelesen haben/zu den Hebre.am.7. so wurden sie nicht so
tolpissch geredt haben von Melchisedech.

Tun wir wollens setzen das Melchisedech brott vnd
weyn geopffert habe/das doch nicht war ist/folgt denn
fort an darauß/das Christus Brot vnd Weyn geopffert
habe? Ja sagen sie/Christus muß ye Melchisedech gleych
seyn/vnd seyner ordenung folgen/so hat ehr Brot vnd
Weyn geopffert/darumb muß Christus auch thun/Key-
mets sichs nicht seyn her Johannes/ewer buch ist woll
wert/das also ist vmbher gesandt in die Münchs Clöst-
er/macht yhr nur meher/wens euch die Abbat heysen/es
seyn sonst gelarte leutt/wir hettē euch hie schier vom teuff-
el gesagt.

Vnd

Vnd auff das ewer anhangt/beyde Thum pfaffen vñ
München/Abbat vnd Prior sehen mügen/das yr gelart
seyt/so hort zu/Sol Christus Melchisedech gleych seyn/
vñ also opffern/wie ehr geopffert hat/so muß auch Chri-
stus fur seyne sünde erst opffern/vñ dar nach fur des vol-
ckes sünde/sonst wirt die figur vngleych Hebr. 5. Hat nun
Christus auch eygen sünd? Wo yhr viel bucher schreybet
Deudsscher Nation/so behalte wir keyn Sacrament/
keyn Christum/keyn wort Gottis.

Item hat Melchisedech brot vnd weyn geopffert/vnd
Christus sol ym gleych seyn ym opffer/so muß Christus
auch nur brot vnd weyn opffern/Den yhr sagt/hat man
dorth leylich geopffert/so muß man yetzundt auch leyb-
lich opffern/darauff den folget das yr in ewer mess keynen
Christum habt/sonder nur brot vnd weyn/odder yr muß
lügeney seyn/so yhr saget/Christus muß Melchisedech
gleych seyn.

Weyter/Melchisedech ist König zu Salem gewesen Ge-
ne. 14. so muß Christus auch König zu Salem sein/aldo
brot vnd weyn opffern/vnd müssen alle messen zu Salē
gehalten werden/nach der ordenung Melchisedech/Noch
eyns/Christus ist ein ewig priester nach der ordenung
Melchisedech/Hat nun Melchisedech zeylich brot vnd
weyn geopffert/so muß Christus der ewige priester/ewig
opffern/so müssen yhe ym hymel Kyrchen vñ Altar seyn
do Christus mess halte/den es stehet aldo Psal. 119. Du
bist ein priester ewig/nach der ordenung Melchisedech/
sagt yr/yr thuts an Gottis stat/So fragen wir/wer wirt
es thun nach dem Jungsten tag/wen yr beschorne diebe
zum teuffel seyt.

Vnd ist Christus ein ewig priester/mit dē eyde Gottis
bestetigt/so macht yr ja Got meyneidig/so yr opffert/dē
ehr hat yhe nicht euch/sonder Christo geschworen/das er
eyn priester sey nach der ordnung Melchisedech/so muß

D i yhe

Yhe ehr/ vnd nicht yr opffern.

Item Melchisedech/ wie yr sagt/ hat brot vnd weyn
geopffert/ dem sol Christus gleich seyn/ Warumb opffert
den Christus am Creutz auch nicht brot vnd weyn/ wie
Melchisedech? Thut er doch also eyn solch opffer/ das
Melchisedechs opffer so gleych ist/ wie der Sommer dem
Winter. Also ist Christus opffer am Creutzkeyn opffer/
odder Got ist meynedig/ do er spricht. Psal. 119. Du bist
eyn priester noch der ordenung Melchisedech ewig/ Schet
yr schier/ wo hyn euch ewer schwindel geyst gefurt hat

Das Mensing sagt/ Melchisedech hab brot vnd weyn
geopffert/ darumb muß es Christus auch thun/ ist nichts
geredt/ den ist Melchisedech ein leylich priester/ vnd seyn
opffer auch leylich vnd ein figur/ so muß yhe Christus
eyn geystlich priester/ geystlich opffern/ den das do figurit
odder bedeut wirt/ ist eyn ander dingt den die figur/ wie
Paulus sagt. 1. Chor. 10. der fels/ do die kynder von Isra-
hel wasser von truncken Num. 20. ist Christus/ eyn ander
geystlich ding/ den der steyn war/ aber wie gesagt ist/ so la-
ssen wir nicht zu/ das Melchisedech brot vnd weyn geop-
ffert habe/ vnd das sey gnug vom andern spruch.

Zum dritten/ füren sie den spruch Malachie am. 1. do
mit zu beweyssen/ das die Mess eyn opffer sey/ vnd sagen/
Der prophet do ehr spricht/ an allen orten wirt geopffert
meynem namen eyn reyn vpffer/ redt von dem sacrament
vnd nicht von vnserm leyb/ vmb zweyer ursach.

Die erste/ Paulus Rom. 12. sagt nicht/ das wir vnserm
leyb opffern sollen an allen stedten/ wir essen/ trincken/
schlafen odder wachen/ setz auch keyn zeyt/ Der prophet
aber sagt/ es wer gescheen an allen orten.

Die ander/ so ist vnser leyb vnreyn/ der Prophet aber
sagt/ diß opffer sol reyn seyn/ darumb muß der prophet vñ
dem Sacrament/ vnd nicht von vnserm leyb reden/ das
das eyn reyn opffer sey.

Antwort

Antwort/ Nun sehet yr edlen Dentsschen/was das nur
fur selzame buchschreyber seyn/Luther vnd wir sagen die
Misz/vnd die vorheyschung Christi Math. 26. Luc. 22.
Nemet esset/das ist meyn leyb/der fur euch gegeben wirt
Trincket darauß alle das ist der kilch des newē testamēts
der fur euch vorgossen wirt zu vorgebung der sund/sey
eyn testament/vnd keyn opffer/So schreyben diese Narn
bücher/vñ wollen vorfechten/das das Sacrament/fleich
vnd blut Christi/nicht eyn testament/sonder eyn opffer
sey/Wider wen schreiben doch diese narn/Die Misz ist
yhe eyn ader ding/dan das sacrament/wir reden aber vō
Christus misz/wie ehr sie der gehalten habe/nicht von
des Babsts misz.

Über das alles/felschen sie den spruch des prophetens
offentlich/den der prophet vorklert sich selber am. 3. cap.
do er sagt von Christo/Ehr wirt reynigen die kynder Le
ui/vnd sie (die kynder Leui also vō Christo gereyniget)
werden opffern in der gerechtigkeit/eyn reyn opffer/wie
ehr sagt am. 1. Sie redet der prophet nicht von pfaffen vñ
münche/den es ist keyn vnreynner/vñ lettiger/hochmutti
ger/stoltzer/geytziger/zorniger/blutsuchtiger/freneller/
vnkeuscher volck auff erden/den pfaffen vnd nunchen/
wie die ganze welt wol weiß/Der prophet aber sagt/sie
sollen reyn seyn/vnd Christus wirt sie reynigen/die kynder
der Leui/Sonder ehr redet von den Leuiten/das ist von
den Christen/die ym zugethan seyn/das sie seyne brüder
vnd miterken seyn sollen/Dan Leui heyst zugethan/wie
ehr selber sagt Johan. 15. yr seyt reyn vmb des worts willē
das ich zu euch geredt hab/Act. 15. Durch den glauben hat
ehr yre hertzen gereyniget/Eph. 5. Christus hat seyne ge
meine gereyniget/durch das wasser badt ym wort/auff
das ehr ym darstelllet eyne herliche gemeyne/die nicht ha
te eynen flecken odder runzel/odder des ethwas/sonder
das sie heylig vnd vnstesslich sey.

D ij Dise

Diese Leuten vnd Christo zugethane gemeyne/wirthe
Got opffern eyn reyn opffer/das ist sich selbs/gantz reyn
vnd an alle mackel/wie Christus vnd Paulus sagen/vnd
David psal.50. Die opffer Gottis sind ein zu brochen
geyst/Rom.12. Ich ermane euch lieben brüder/das yr ew
re leyb begeben zum opffer/das da lebendig/heylich/Gott
wolgefellig ist/wilchs ist ewer furnunfftiger Gottis dienst
Disß alles redt Paulus zum vnterscheide/der mancherley
opffer/der vnuornüfftigen thier des gesezes/die do nicht
lebendig/heylich/Got wol gefellig waren/Heb.10.

Wolt yr aber sagen das der prophet vom Sacrament
rede/so beweysset das yr die Leuten seyt mit der schrieffte

Zum andern/wo das Sacrament eyn opffer genant
werde/den yr must den Propheten nicht glosirn außeworn
kopff/sonderlich die weyl der prophet nicht sagt/von dem
Sacrament/das das eyn reyn opffer sey/sonder spricht
schlechtes/sie werden opffern ein reyn opffer/Vnd wen
yr nun schon das alles beweysset/so sicht der spruch den
noch nicht wider vns/den yr sagt er rede von dem Sacra
ment/wir aber reden von der mess

Das wir aber sagen/der prophet rede von vnserm leyb
thun wir nicht auß vnserm kopff/wie yr/Dan weyl Chri
stus Johan.15.Pau. Ephe.5.sagen/das wir gereyniget
sind durchs wasser bad ym wort/vnd David psal.50.
samt Paulo Rom.12.das vnser leyb die opffer Gottis
sindt/muß yhe folgen/das der prophet Malachias/von
vnserm leybe vnd nicht von dem Sacrament rede/sint ein
mal yr in der gäzen heyligen schrift keynen spruch habe
das das Sacrament ein reyn opffer gnant werde/weyset
eynen so solt yr gewonnen haben.

Derhalben reden diese buchschreyber yren mutwillen/
das wir Paulo Rom.12.vnd dem propheten/einẽ zusatz
gethan haben/Den sollen wir vnsern leyb geben zu eynem
lebendigen/heylichen/Got wolgefelligem opffer/wie Pau
lus

lus

lus sagt Rom. 12. So muß er yhe ganz vnd gar/alle zeyt
vnd alle stunde dargeben seyn/auch an allen orten wo wir
seyn/es wer den sach/das Mensing sagen wolt/wir solt
für mittag frum/nach mittag buben/in der kyrchen heylig/
auff dem feld reuber seyn/vor mittag fasten/beten/
meß halten/nach mittag fressen vñ sauffen/auff die mu-
mery lauffen/wie die Baals priester in Thümen thun/
vnd zwar die Mönchen auch/Vteyn nicht also/Alzeyt
sollen wir dem guten folgen Gal. 4. Coll. 4. Act. 24.

Aber es sicht den guten buchschreyber velleicht an/
das Paulus nicht setzt/das wortleyt alzeit/vnd wir essen
odder trincken/Ehr solt aber Paulum gelesen haben 2.
Chor. 4. wir tragen vmb allzeyt das sterben des hern Je-
su an vnserm leybe/auff das auch das leben des hern Je-
su offynbar werde an vnserm leybe/Vnd solt an seyne ey-
generwort gedacht haben/am. 20. blat/beten heist opffern
so sagt yhe Paulus. 1. Thess. 5. Betet an vnterlaß/ehr re-
det yhe nicht von eusserlichem gepet/den wir müssen yhe
essen vnd schlaffen/sonder von geystlichen ynwendigen
beten/welches ist innerliche begirde/seuffzen vnd vorlan-
gen auß hertzen grundt/welchs auch geschiecht in leybli-
cher arbeyt/vñ wen wir sehen/das wir es nicht thun/das
wir vns erkennen alsz schwache/geprechliche mēschen vñ
gnad bitten von Got/wie Paulus sich erkant Rom. 7.

Eben also/trollen sie auch eynher in der andern vr-
sach/das vnser leyb nicht reyn sey/war ist es/Wir habēs
gesagt vnd sagens noch/das vnser fleysch von art vñnd
natur/zum bössen geneigt ist/Gen. 6. vnd. 8. strebet allzeyt
wider das gute/Gall. 5. vnd ist darzu vnreyn/Prover. 20.
Joh. 5. Darauß folget aber nicht das auß gnaden/durch
den heyligen geyst/der leyb nicht reyn ist/sonst muß Chri-
stus Johā. 15. Petrus Act. 15. Paulus Ephe. 5. vñ. 1. Thess
5. liegen/do ehr spriecht/ Der Got des frydes heylige euch
durch vnd durch/vñnd ewer ganzer geyst/seel vnd leyb/

D ü ñ müsse

musse behalten werden vnstrefflich/das kan aber nicht
seyen/Darumb muß Mensing liegen/do er spricht/der
prophet kan nicht reden von vnserm leyb das der das rey
ne offer sey/den ehr ist vnreyn.

So sind nun die Christen zu gleych reyn vnd vnreyn/
vnd dar neben ganz vnd gar reyn/on mackel/Ephe.5.
vnd ob wol sind ym fleysch bleybet wie in Paulo Ro.7.
1.Chor.12. so wirt sie doch den Christen nicht zu gerech
net/Rom.8.Psal.31.Rom.4.vmb Christus willen vñ des
heyligen gystes der in den Christen wonet/Derhalben
ist das eyn vnnutz geschwert/das Mensing furgibt/als
soltten wir wider vns selber reden.

Also wollen wir diese zwey lügenbüchlein haben vor
antwort/auff disz mal/vnd wo diese zwene elende buch
schreyber sagen wolten/wie sie dan thun/die wort der wã
delung sindt nicht wort der vorheffschung/die weyl der
priester consecrirt an die wort/der fur euch geben wirt/
sollen sie wissen/das wir nicht von des Babstes sonder
von Christus mess reden/wie der mess gehalten hab/vnd
das die eyn testament/vnd nicht eyn offer sey/darinnen
die wort stehen/der fur euch geben wirt/Der Babst mit
seyner mess consecrirt/opffer odder offer nicht/gibt vns
nichts zu schaffen/Das reden wir alles darumb/auff das
diese zwene buchschreyber ja ursach habē/bücher zu schrey
ben/sie solten auch billich nichts anders thun/den solche
bücher machen/vnd yre kunst beweyßen/die weyl sie das
so meysterlich kunnen/Es ist aber eben genug/wen allein
der tittel laut/das das buch wider den Luther sey/wir
wollens yhn auch gern vorzeyhen/auff das sie nur deut
scher Nation meher bucher schreyben/den sie seyn meyst
er darauff.

Sagen wir die mess sey eyn testament/vnd reyn offer/
so schreyben sie/vnd geben vns schult/wir heyszen das
gesegnet brot vnd weyn eyne mess/eyne feyste/starcke lü
gen

gen/So vnſinnig hat ſie der neyd gemacht vnd gar beſeſſen/das ſie nicht ſehen wo von der Luther odder wir reden.Wer hat doch yhe gehört das man ſagt/Ich will die meß entpfahen/wen er das ſacrament entpfehet/Aber ſolche theologen ſollen eyne ſolche theologia ſchreyben/auff das ia das buch ſey/wie der ſchreyber/eyn narr wie der ander/die gar nichts vorſtehen/den was yhn yr toller ſyn vnd mit eyngibt/Darumb man ſich auch für yhn hütten ſoll/als für den teuſſel ſelbs/die weyl ſie nicht alleyn Luther/ſonder auch dem heyligen geiſt ſeyn wort feſchē
Got woll yhn weren/Amen.



Magdeburg



Faint, illegible text, possibly bleed-through from the reverse side of the page.

1552

1553

1554



J 4370

ULB Halle

3

002 418 38X




sb.

B 10711

ni







Antwort auff die
 zwey elenden buchlein. D. Jo
 han: Mensing pauler
 munch/das die
 Mess ein
 testament vnd Beyn
 opffer sey.

Eberhardus
 widensehe

Johan
 frizsthans

Dem narn ist die weysheit
 zu hoch sagt Salomō
 prouerb. 24.